

Visoki predstavnik sastao se s delegacijom Parlamenta Češke Republike



Visoki predstavnik Valentin Inzko sastao se s delegacijom Parlamenta Češke Republike predvođenom predsjedavajućim Predstavničkog doma Janom Hamačekom, danas u Sarajevu, kako bi razmijenili mišljenja o trenutnoj političkoj situaciji u Bosni i Hercegovini.

Pozdravljajući inicijativu EU za BiH i pisanu obavezu Predsjedništva BiH kao važne korake naprijed, visoki predstavnik je naglasio da budućnost BiH kao "stabilne, održive, mirne i multietničke zemlje" sasvim jasno leži unutar Evropske unije.

"Ono što nam je sada potrebno je brzo odvijanje procesa formiranja vlasti na državnom, federalnom i kantonalnom nivou. Određeni zakonski rokovi su već probijeni. Jasno je da su na potezu političke stranke koje moraju staviti interese građana ispred svojih uskostranačkih planova kako bi se osigurao napredak u implementaciji potrebnih reformi", rekao je Inzko.